



SEKTOR ZA CARINE

Broj: 03/2- 10-5-1330 /13
Banja Luka, 27-05 2013. godine

1. REGIONALNI CENTRI UIO
ODSJEK ZA CARINE
2. SPOLJNOTRGOVINSKA KOMORA BIH
Branislava Đurđeva 10, Sarajevo
3. PRIVREDNA KOMORA FEDERACIJE BIH
Branislava Đurđeva 10, Sarajevo
4. PRIVREDNA KOMORA REPUBLIKE SRPSKE
Đure Daničića br. 1/2, Banja Luka
5. PRIVREDNA KOMORA BRČKO DISTRIKTA
Cvijete Zuzorić bb, Brčko Distrikt

**Predmet: Obavijest o registrovanju u EU EORI sistem
privrednih subjekata iz trećih zemalja, dostavlja se**

U posljednje vrijeme, Upravi za indirektno oporezivanje, sve se više obraćaju privredni subjekti iz BiH **po pitanju upotrebe EORI broja** koji se koristi u carinskim postupcima, carinskim odobrenim postupanjima i upotrebi i drugim radnjama naspram carinskim organima zemalja članica Evropske unije (EU), radi čega dajemo ovu obavijest.

Prije svega, treba naglasiti da EORI broj nije potreban za obavljanje carinskih postupaka ili carinski odobrenih postupanja ili upotrebe u BiH nego samo u zemljama članicama EU.

EORI broj (engl. *Economic Operators Registration and Identification number*) je jedinstveni broj koji privrednim subjektima i drugim licima u EU dodjeljuje carinska služba ili drugo nadležno tijelo ili tijela država članica EU. Privredni subjekt je lice koje u okviru svog poslovanja obavlja djelatnosti obuhvaćene carinskim propisima. Kao takvo lice može se smatrati fizičko lice, pravno lice i udruženje lica koje nema status pravnog lica, ali mu je prema važećim propisima priznata sposobnost preduzimanja određenih pravnih radnji.

EORI broj koristi se za identifikaciju privrednih subjekata i drugih lica u njihovim odnosima s carinskim službama država članica EU. U slučaju potrebe, EORI broj se koristi u svakoj komunikaciji privrednih subjekata i drugih lica s carinskom službom država članica EU. EORI broj se, takođe, koristi za razmjenu informacija između carinskih službi država članica EU, te između carinske službe i drugih državnih, odnosno javnopravnih tijela. Privredni subjekti i druga lica mogu imati samo jedan EORI broj.

Važno je ukazati da se EORI broj koristi i za privredne subjekte koji nemaju svoje sjedište u EU i nastupaju naspram carinskih organa EU. Osnovni zahtjev za izdavanje EORI broja dakle proizlazi iz činjenice da li je neki privredni subjekt direktno aktivno uključen u carinske procedure ili carinsko odobreno postupanje ili upotrebu u zemlji članici EU.

Situacije u kojima bi privredni subjekti koji nemaju poslovni nastan na carinskom području EU morali imati odgovarajući EORI broj, da bi mogli učestvovati u carinskim postupcima u EU, su sljedeće:

- a) u EU podnose skraćenu deklaraciju (npr. za privremeni smještaj) ili carinsku deklaraciju koja nije:
 - usmena carinska deklaracija ili deklaracija za poštanske pošiljke koje po pravilima EU ne treba prijavljivati carini ili
 - carinska deklaracija za postupak privremenog uvoza; ili ATA karnet;
- b) u EU podnose izlaznu ili ulaznu sigurnosnu skraćenu deklaraciju;
- c) upravljaju skladištem za privremeni smještaj po pravilima EU;
- d) podnose zahtjev za odobrenjem za pojednostavljenje kod dokazivanja EU statusa robe ili za pojednostavljenja u proвозnom postupku;
- e) podnose zahtjev za izdavanje potvrde o ovlaštenom privrednom subjektu - odnosno AEO.

U praksi, privredni subjekti iz BiH u EU ne podnose carinske deklaracije nego to podnose uvoznici iz EU ili izvoznici iz EU ili njihovi ovlašteni zastupnici koji već imaju EORI broj jer im je sjedište u EU. Najčešće situacije u kojima bi privredni subjekt iz BiH bio direktno aktivno uključen u carinske postupke ili carinsko odobreno postupanje ili upotrebu bi bile početak proвозnog postupka na osnovu karneta TIR ili podnošenje ulaznih ili izlaznih sigurnosnih skraćenih deklaracija. Ali je i u posljednjem slučaju uobičajena praksa da ulazne ili izlazne sigurnosne skraćene deklaracije podnose zastupnici (špediteri) koji imaju sjedište u EU i koji već imaju EORI broj.

U vezi navedenog, svaki privredni subjekt iz BiH koji posluje sa EU bi morao najprije provjeriti da li uopšte ima mogućnost da je direktno uključen u carinske procedure u EU, jer su takve situacije veoma ograničene.

Ako postoji potreba za dobijanjem EORI broja, postupak registracije u zemljama članicama je sasvim različit, a informacije o tome su uobičajeno objavljene na web stranicama Carinskih uprava zemalja članica EU.

Zbog lakšeg razumijevanja, dostavljamo vam link na web stranicu Carinske uprave Republike Hrvatske i na web stranicu Carinske uprave Republike Slovenije, gde možete naći sve informacije o postupku registracije za EORI broj:

Republika Hrvatska: http://www.carina.hr/e_carina/EORI.aspx

Republika Slovenija:

http://intranet.curs.sigov.si/si/podjetja/sistem_registracije_in_identifikacije_gospodarskih_subjektov_eori/

Dakle, svaki privredni subjekt može imati samo jedan EORI broj i mora postupak registracije obaviti prije nego što počne sa aktivnostima u kojima bi mu EORI broj u EU bio potreban. Dokumenta koje obično treba podnijeti za potrebe registracije su popunjen i potpisan zahtjev (na jeziku države članice u kojoj se podnosi zahtjev ili na engleskom jeziku), te original ili ovjerena kopija isprave o registraciji subjekta izdate od nadležnog organa zemlje u kojoj je odnosni subjekt registrovan (po potrebi prevedena na jezik države članice ili na engleski jezik).

Molimo da, na pogodan način, o ovoj obavijesti upoznate privredne subjekte (uvoznike/izvoznike/prevoznike/špeditere).

Dostaviti:

1. Naslovu, 8 x
2. Kabinetu direktora
3. Org. jedni.: 01/2, 01/3, 01/4, 02, 03, 04, 05, 06
4. Web stranica UIO
5. a/a



POSREDOVNIK DIREKTORA ZA POMOČNIK DIREKTORA ZA CARINE

DRAGAN CVJETINOVIĆ